

欽定剿平粵匪方略

欽定剿平粵匪方略卷三百二十四 壬戌年

九月十九日

戊辰

馮子材魁玉奏冒據藩司曾國

荃函稱金陵已添援逆悍而且多有分犯鎮江
之意湯岡之逆恃有黨援分驅醜類出巢剽掠
臣等調派總兵陶茂森文龍德楊青山等督帶
馬步各隊於九月初六日出城潛向南路甘棠
橋一帶埋伏瞭見賊股約千餘名在塔山廟一

帶肆擾文龍德等分路兜剿一由東潭包裹一
向塔山廟銳進該逆突見我軍開礮抗拒參將
田慶和等直搗中堅守備田國珍首先陷陣立
斃騎賊一名賊鋒稍挫賊首襄天豫黃逆率衆
死戰復經守備周克俊砍斃賊衆披靡適楊青
山由東潭包抄而至文龍德揮軍力剿槍礮齊
施斃賊甚衆守備張興剛等奪旗斬級賊衆敗

潰奪路狂奔向湯岡逃遁連日未敢出巢臣等
仍飭水陸各營嚴加戒備多派偵探與上游消
息時通相機而動不敢稍涉大意奏入

上命議政王軍機大臣傳諭曾國藩李鴻章馮子材
魁玉曰湯岡逆匪糾合大股圖窺鎮江馮子材等
派令總兵文龍德等分路兜剿砍斃賊首黃逆職
賊甚衆該逆向湯岡一帶逃遁金陵援賊悍而且

多實有分犯鎮江之意湯岡之逆恃有黨援大肆
剽掠若不趕緊殲除勢必窺伺府城京口關繫江
南全局著馮子材魁玉派文龍德等進攻匪巢爲
先發制人之計曾國藩添派水陸各軍先將湯岡
逆匪剿除則曾國荃一軍不至十分喫重且免該
逆圖竄鎮防著酌度辦理不爲遙制前因鎮城防
守已固上海一隅軍情甚緊是以令李鴻章暫駐

上海督勦侯該處防務稍鬆仍卽移紮鎮江以圖
進取現聞嘉定縣城業已克復上海防勦較鬆而
悍賊屬聚金陵時圖下竄京口著該署撫察度情
形或親帶勁兵或分撥得力兵弁前赴鎮江相機
防勦力保要區至上海防勦事宜著仍隨時整頓
勿致稍有疏失近日軍情並著詳細奏聞鎮江防
勦事宜馮子材等務當實力籌辦不得坐待援兵

致滋貽誤

二十一日庚午曾國藩奏言目前軍情可慮者約

有四端僞忠王李秀城率十餘萬賊救援金陵
更番猛撲雨花臺營盤自閏八月二十九至九
月初六等日晝夜不息曾國荃面受洋槍子傷
幸尙無礙又據蔣益澧來稟僞侍王李侍賢帶
賊三四萬由浙赴援金陵我軍以病餘之卒苦

守半月疲乏已極若再添侍逆一股殊恐難支
此金陵之可慮也黃汝金等逆竄犯甯國盤踞
於廟埠仰賢圩油榨溝新河莊等處綿亙近百
里據擒獲匪黨供稱該逆不得逞於甯國決計
繞竄南陵青陽上犯江西目下各營病勇未痊
缺額未補卽能竭力保守甯郡而灣沚無陸師
駐防該逆若由間道上趨不能分兵堵截此甯

國之可慮也小丹陽之賊已由東壩拖過戰船數百號時圖出江我軍水師自湖口至金陵分防二千餘里地段太長兼以弁勇病者過多又新派李朝斌帶三營馳赴上海兵以分而愈單設賊船乘間衝出則江中糧路俱斷此水師之可慮也豫省大股髮捻近復竄至德安有取道皖境回援金陵之說自廬州克復後皖境各城

空虛一經逆蹤闌入又將到處糜爛此皖北之
可慮也此外如蕪湖金柱關等處亦俱賊多兵
寡在在堪虞所幸曾國荃營中竭力支持業經
兩旬大局未至決裂近又獲勝兩次從此力圖
營救當可勉強危局臣現調駐紮蕪湖之王可
陞一軍馳赴雨花臺又調上海程學啟一軍雇
坐輪船趕赴金陵均幫助曾國荃共守營濠調

李世忠一軍由龍潭石埠渡江山孝陵衛北路
而來調鮑超一軍及現駐旌德之朱品隆一軍
均由采石南路而來兩頭夾擊翼解重圍此挽
救金陵之拙計也當羣賊甫集時鮑超卽力疾
自蕪湖馳回甯國竭力整頓將病者傷者安置
城內簡選精銳紮營城外張運蘭全部登陴主
守鮑超所部出城主戰初三日在廟埠獲一勝

仗擬於初六日移紮高祖山兼顧西河灣沚臣
與浙江撫臣左宗棠函商調藩司蔣益澧一軍
由浙境馳赴皖南與張運蘭會辦甯國防剿事
宜鮑超能於日內大破黃胡各賊固爲至幸若
不能破賊亦可抽出鮑超一軍馳援金陵而以
蔣益澧接辦甯國軍務至南陵爲內竄之路鮑
超已派總兵婁雲慶駐守其皖南之徽州祁門

江西之湖口景德鎮臣與沈葆楨亦均派兵防守各城此挽救甯國之拙計也至水師防務楊岳斌病已漸愈力疾督守金柱關彭玉麟分巡灣沚蕪湖各要隘臣又飭駐紮安慶之副中兩營趕緊下駛又飛調李朝斌三營由上海折回金陵該逆如欲衝出大江合各營未病之兵尙可與之力戰挫其兇鋒惟皖北地廣兵單臣前

調提督成大吉由三河尖馳赴英霍相機防剿
現在安廬兩府料理城守事宜一面截留李鴻
章新募之淮勇五營駐守運漕鎮保守膏腴之
地而舒桐潛太一路非有大枝勁旅不足以資
控扼昨接勝保來咨陝西省城業經解圍附近
逆巢亦經掃蕩又接官文李鴻章來咨已奏請
多隆阿一軍回援東南相應請

集賢堂卷三十二
旨飭下多隆阿迅速東還駐紮舒桐兼顧鄂皖以期
保全大局

曾國藩又奏冒據鮑超文稱甯國縣城於九月初六日失守該縣前派韋志俊洪容海兩降將守之太屬不可深恃而韋志俊又因患病就醫蕪湖現在該縣既陷徽州旌德兩城首當其衝唐義訓朱品隆兩處兵力皆單又久病缺餉深

恐不克支持臣現催調蔣益漣一軍來援徽州
旌德若兩城能堅守二旬則援軍即可趕到臣
本擬調朱品隆偕鮑超援解金陵之圍今旌德
且恐不保鮑超亦三面受敵自不便再行抽調
同日馮子材魁玉奏言湯岡踞匪自襄天豫黃
逆授首後匿巢不出時復自相驚擾臣等乘其
逆志不固於九月十二日令總兵文隆德陶茂

森田宗揚分帶馬步各隊相機進攻臣等統率
各營暨鎮江府知府金以誠督率團練嚴守內
外兩城並飭水師一體防備各隊行過分龍岡
里許該逆見我軍猝至卽四路狂奔陶茂森等
督隊填壕一鼓而進羣賊並無鬪志棄壘奔逃
官軍奮力掩殺斃賊千計當將湯岡逆壘九座
蹋平賊分兩路向句容遁走總兵田宗揚卽派

遊擊林從太等由黃龍岡追剿文龍德督飭遊
擊汪柱元等跟蹤剿洗沿途擊斃及投水之賊
約數百名至青山地方復踢毀逆壘二座餘賊
悉竄回句邑林從太等抄截逃賊尾隊斬擒甚
衆兩路追剿官兵直至東昌街地面始行收隊
查逆匪久踞湯岡雖圖牽掣大軍實則垂涎鎮
郡茲幸堅巢已拔足挫兇鋒惟鎮防孤立江濱

難保該逆不糾黨復至惟有嚴密籌防再圖進剿

同日潘祖蔭奏言前署提督曾秉忠業經奉

旨革職交曾國藩差遣仍復延不交卸縱容兵勇肆行無忌與賊潛通到處擄掠強搶婦女似此縱兵殃民直是迫民從賊若不嚴行懲辦何以整肅戎行相應請

旨飭下江蘇巡撫李鴻章迅速確查明正其罪毋稍
瞻徇姑容均奏入

上命議政王軍機大臣傳諭曾國藩袁甲三耆齡李
鴻章左宗棠馮子材魁玉唐訓方馬新貽曰逆首
李秀城等圖犯金陵營盤曾國藩本擬調鮑超朱
品隆兩軍馳援而甯邑旣陷皖南喫緊蔣益澧已
否馳援當此軍情萬緊朝夕情形不同一切調度

卽著該大臣妥爲籌辦陝西回匪據勝保所奏各情未可盡信多隆阿入關勦辦此時萬難南旋本日已諭李續宜迅速回皖並著曾國藩函催令其在楚南或有勇丁可募酌帶數千馳回皖省以備補足各營缺額袁甲三本擬俟唐訓方到臨淮後交卸惟皖北軍情緊急料理需人袁甲三在營年久著暫緩回籍俟李續宜到後再行交卸唐訓方

所帶親軍卽著曾國藩酌量情形應駐何處或在
舒桐一帶駐紮均由該大臣妥爲調度以顧上游
李世忠一軍曾國藩卽傳旨嘉其奮勉立功並催
令迅速渡江俾其部下人人思奮曾國荃前此乘
破竹之勢直抵雨花臺原冀逆首聞風讐慄此時
援逆屬集斷不可撤退爲賊所乘若能堅守數旬
俟各路援兵齊至該逆技無所施必可轉危爲安

曾國荃務當激勵士卒竭力固守所有出力各員
弁著曾國藩隨時奏請獎勵以固士心其已經克
復地方務須竭力支持保全完善斷不可得而復
失前諭左宗棠檄調林文察一軍現在蔣益澧已
赴徽州浙軍又形單薄該總兵本係援浙之軍耆
齡自當以大局爲重卽著該撫恪遵前旨趕緊檄
調用資防剿馮子材等奏蹋平湯岡逆壘該逆遁

同句容尙未大受懲創難保不去而復來著馮子
材魁玉加意嚴防無稍疏懈本日據潘祖蔭奏曾
秉忠自革職後延不交卸縱兵通賊到處擄掠強
搶婦女請飭查辦等語曾秉忠之缺旣令黃翼升
接署何以尙未交卸著曾國藩李鴻章查明勒令
交卸迅飭赴營差委毋任逗留該革員所部均係
廣勇此時未便操之過蹙致生他變著李鴻章查

明如有前項劫掠等弊設法遣散回籍免生事端
上又命議政王軍機大臣傳諭李續宜曰前因軍務
緊要諭令李續宜回籍後將母喪趕緊辦理事畢
卽行回皖不必拘定百日假期茲據曾國藩奏逆
首李秀城等屢撲金陵營盤擬調鮑超朱品隆兩
軍來援而甯邑旣陷徽防又警皖南軍情萬分緊
急並以髮逆竄擾德安府一帶有取道皖境回援

金陵之說請飭調多隆阿一軍還駐舒桐兼顧皖
鄂而多隆阿調赴陝西勦辦回匪不能返旆東行
唐訓方恐一時不克赴臨接受關防本日已諭令
袁甲三暫緩交卸惟袁甲三病體支離於防勦一
切事宜設有疏失關係匪輕李續宜回籍後旣已
慰伊父倚閭之望並足遂該撫哀慕之私現值各
路軍情告警李續宜身受厚恩自應移孝作忠與

曾國藩等維持大局該撫接奉此旨著卽剋日啟
行前赴皖省接篆任事斷不可拘拘於假期百日
致誤戎機該撫忠勇素著國爾忘家定能迅速就
道也

二十二日

辛未

毛鴻賓奏言據候補臬司劉嶽昭

報稱石逆大股自長甯擊退後黨與尙十萬餘
人已由江津竄至綦江縣屬之東溪現在涪州

南川一帶俱有重兵扼截恐該逆從東溪走黔之正安州婺川取道秀山以窺湖南之保靖龍山永綏各屬屢獲長髮老賊供稱石逆以川地難行兼有長江阻遏未能逞志決計竄回湖南等語石逆窺伺湖南已非一日此時在蜀旣無所利入黔又非所願其拌死竄楚實在意中湖南與川黔交界之區犬牙相錯道路紛歧防不

勝防周達武全軍現已進駐黔江兼顧兩湖門
戶臣復飭趙福元增募一營前赴綏靖等處飭
周洪印戈鑑吳自發等前赴乾綏等處均擇要
暫駐探明賊蹤所向馳往截剿並飭令綏靖鎮
軍兩鎮總兵辰沅道及各府廳營縣嚴督兵練
民團於要隘處所豫籌布置又飭趙煥聯添募
一二營勤加訓練以備調遣又髮捻各逆由襄

鄖下竄隨州擾及應山孝感偏近黃陂臣接准督臣來咨已飭參將謝泰平率所部師船馳赴湖北扼防武漢江面其湖南岳州澧州等處尙須另調兵勇先事籌防以保疆圉

同日韓超田興恕奏言粵匪敗竄綦江一帶於八月初間大股突入黔境一走仁懷縣屬之溫水一走桐梓直撲縣城經署知縣朱文香督團

固守該逆卽由桐梓徑竄遵義經該府知府李
德莪候補道于鍾岳副將全祖凱等派隊堵擊
該逆前隊已至黔西探報該匪有分竄正安及
窺伺省城之意當飭各地方文武一體堵截該
逆旋於十七日竄偏黔西州城臣等飭總兵沈
宗富統帶前隊由省馳往迎剿並飭駐紮畢節
之總兵李有恆分隊由大定前進夾擊兼可截

其回川之路臣田興恕不日親督全軍繼進查
遵義黔西爲川楚入黔要道一有梗塞關繫匪
輕亟應趕緊撲滅以免蔓延現在大股賊匪旣
已竄黔川省防勦稍鬆應請

飭下四川督臣迅派官軍星馳來黔會同兜勦均奏
入

上命議政王軍機大臣傳諭略秉章毛鴻賓韓超曰

石逆大股屢經川省官軍擊敗竄入黔境之遵義
黔西等處韓超等飭總兵沈宏富等督兵分路夾
擊截其回川之路惟逆黨不得逞於黔蜀勢必拌
死竄楚毛鴻賓所稱恐該逆走黔之正安婺川取
道秀山窺伺保靖各屬自係實在情形卽著飭令
趙福元等趕赴乾綏之交相機截剿並飭綏靖辰
沅各鎮道嚴督兵團豫籌布置不得稍有疏懈此

時該逆全股蔓延桐梓黔西之間並有窺伺省城
之意軍務萬分喫緊著韓超嚴飭沈宏富等實力
迎剿並將賊匪紛竄之路妥籌遏截川省情形稍
鬆黔楚邊防萬緊自應移兵會剿著駱秉章迅派
兵勇出境會擊務將積年巨憝悉數殲除石逆爲
患已久現在匪首是否卽係石達開抑係其黨假
冒並著駱秉章等查明具奏髮捻各逆由襄鄖下

寶隨州擾及應山孝感偏近黃陂毛鴻賓已派師
船馳赴武漢江面協同扼防所辦甚是其岳禮等
處亦應先事籌防卽著毛鴻賓妥爲辦理

二十三日壬申暫署安徽巡撫湖北布政使唐訓

方奏言臣接受撫篆後自應遵

旨速赴臨淮惟皖省軍務緊要東路之南岸金陵甯
國兩處下游援賊紛乘西路之北岸英霍宿太

各城上游竄賊將偪曾國藩暫留臣籌畫補救
之方自應勉竭愚忱隨同曾國藩先固根本署
藩司馬新貽在皖年久熟悉情形已於前月二
十六日起程赴臨接辦臨淮軍務可期妥協奏
入

上諭曰昨因皖省軍情緊要已諭曾國藩暫留該署
撫俟募勇到齊酌撥扼要處所防剿臨淮仍暫留

袁甲三駐守與該署撫此奏正合著卽遵前旨與
會國藩籌商妥辦

二十四日癸酉左宗棠奏言臣將蘭谿縣屬油埠

等處踞逆擊敗後逆首李侍賢喉龍游城內賊
曾遴天義陳廷香等於八月十五十九等日撲
犯城西圭塘山劉培元等營壘均經擊退二十
九三十等日李侍賢又遣巨目李尙揚等由蘭

谿永昌鎮湯溪湖鎮分路撲犯劉培元營壘城
賊於西北兩門列隊牽掣我師臣派親兵劉策
會同馬德順劉璈等各率所部分路邀擊劉培
元飭各營空壁而出楊昌濬等率親兵繼至四
面包抄賊勢不支適江西赴浙會剿之屈蟠王
德榜兩軍馳至併力痛擊賊遂潰走陣斬賊目
數十名西門之賊經駐金城等擊退北門河邊

之賊經劉璈等擊退賊不得逞於南路復糾巨股由蘭谿竄踞壽昌縣另分悍黨出上方嶺適蔣益澧前隊及高連陞帶所部甫抵衢州臣卽飭其進駐蘭谿之麥園與劉典合圖襲家堰太平祝家之賊閏八月初六日蔣益澧全軍抵衢分遣熊建益所部三千人往扼上方嶺高連陞所部二千人由梅嶺往攻壽昌縣城十三日高

連陞至距城八里地方紮營賊見官軍猝至擁
衆直撲營壘高連陞督隊進擊鏖戰三時賊屢
卻屢前官軍三路齊進立斃悍賊數十名賊蒼
黃遁走追至城邊乘勢攻入賊由南門奪路逃
竄復追殺十餘里將壽昌縣城克復臣得報後
卽飭蔣益澧劉典由蘭谿西鄉共圖侍逆所踞
太平祝家老巢侍逆聞壽昌被官軍攻克乘夜

竄赴裘家堰結七大壘蔣益澧劉典躡蹤追至
十八日劉典率各營先進鏖戰逾時蔣益澧率
大隊急進高連陞首先踰濠連破中路賊壘二
座壘中之賊盡殲僅數騎得脫劉典飭朱明亮
等奮攻第三壘破之共斃悍賊千餘名陣斬元
天福萬懇芒等多名生擒蓋天福王得勝等二
百餘名拔出難民數千餘逆宵遁蘭谿西路肅

清後賊踞南岸羅埠湖鎮五星街者仍不下數
萬地當龍游湯溪之衝臣隨飭蔣益澧全軍渡
河節節攻勦劉典一軍仍駐油埠爲蔣益澧聲
援正布置間適羅埠踞逆戎天義李侍詳遣人
詣蔣益澧軍前乞降蔣益澧密飭李侍詳相機
內應二十六日夜率各營偃旗息鼓疾起乘之
平明行近賊壘官軍由外殺入李侍詳率黨千

餘由壘中殺出各賊猝不及防棄壘狂竄官軍
乘勝追殺斃賊七八百名將賊壘五座踏毀湖
鎮之賊亦於二十七日夜聞風而遁龍游踞逆
經各軍連日奮擊堅匿不出臣移紮距龍游城
五里之新涼亭飭各營修築長濠偏之飭蔣益
澧由羅埠進攻湯溪劉典暫紮油埠湖鎮以防
蘭谿金華援賊九月初一至初五等日蔣益澧

等率隊力攻誘賊出戰痛勦兩次搜獲賊中告
急僞文龍游湯溪之賊皆勢窮力絀求援於金
華守賊並求侍逆迅速回援督臣耆齡復派知
府康國器率粵勇三營至湯溪會勦兵力益厚
惟兩城之賊附城築壘堅固異常恐未免曠日
持久據投誠李侍詳供稱侍逆李侍賢竄襄家
堰時擬乘間從分水桐廬竄回溧陽護其眷屬

然後由溧陽回援金陵留僞朝將李尙揚等率
悍黨十餘萬分守金華龍游湯溪等處賊壘以
阻我師臣惟當督同劉培元蔣益澧劉典迅以
圖之軍中搜獲李侍賈僞文諄囑諸賊死守龍
游湯溪金華四十日卽行折回並言逆眷在溧
陽爲各僞王欺凌不能不急回料理查賊中僞
王可數者共三十餘惟僞忠王李秀城僞章王

林紹璋與李侍賢投合餘則彼此猜疑金陵逆
首洪秀泉之兄僞勇王洪芒達尤爲各賊所恨
從前楊韋兩逆互相吞噬之事不久必將復見
而李秀城喉各賊圖犯皖南意在緩浙軍之攻
而抄其後擬俟龍游湯溪攻克緩攻金華急攻
嚴州相機辦理以圖共歸狂氛奏入

上命議政王軍機大臣傳諭曾國藩耆齡左宗棠曰

逆首李侍賢等堅踞龍游湯溪蘭谿各城並遣悍賊攻撲劉培元等營壘經左宗棠督飭各軍痛加勦擊蔣益澧之軍甫到卽能率其前部高連陞等軍攻拔壽昌並會合劉典之兵攻破裘家堰及羅埠湖鎮五星街等賊壘所辦甚合機宜侍逆李侍賢雖留悍賊李尙揚等守金華龍游等城壘該撫督同劉培元蔣益澧劉典等軍乘銳進攻當可迎

刃而解左宗棠擬俟龍游湯溪攻克緩攻金華急
攻嚴州緩急之間自必權衡至當惟摺內有李侍
賢將由分水桐廬竄回溧陽護其眷屬然後由溧
陽回援金陵之語金陵逆援甚衆節次諭令曾國
藩督飭曾國荃等竭力固守先保已成之功再圖
進取昨據曾國藩奏徽甯軍情緊要已與左宗棠
商調蔣益澧一軍馳赴皖南接辦甯國軍務抽出

鮑超一軍馳援金陵刻下蔣益澧之軍助剿正當
得手若赴皖南則浙軍又虞單薄耆齡前飭林文
察率所部六千赴龍游會剿茲復派知府康國器
率粵勇三營前赴湯溪著左宗棠迅卽催提並著
耆齡嚴飭各軍星速前往迅將龍游湯溪合力攻
克李侍賢竄往溧陽能否派兵邀截俾不得與忠
逆合救金陵致曾國荃之軍更形喫重諒曾國藩

與左宗棠隨事商略定能籌及也李侍賢逆眷旣
在溧陽爲羣逆所欺不能不急回料理該逆僞文
所述斷非無因是賊中互相猜嫌其勢已成逆首
洪秀泉之兄洪芒達尤爲各賊所恨必將交相吞
噬如其有隙可乘該大臣督撫等諒能用閒出奇
隨機應變江浙軍營疫氣是否全消並著隨時具
奏以慰馳繫秦如虎已署理浙江提督卽著左宗

棠飭令由台州奉化速赴甯波防守

上諭內閣曰蘭谿踞逆經官軍擊敗後逆首李侍賢復嗾龍游城內逆賊連日撲犯城西劉培元等營壘均經官軍擊退李侍賢由蘭谿永昌鎮等處率悍賊分路來撲經左宗棠派隊馳剿斃賊多名高連陞率隊進攻壽昌當將縣城克復侍逆竄赴裘家堰結壘復經蔣益澧等督隊攻拔並攻奪要隘

多處勦辦甚爲得手著左宗棠迅卽乘此聲威督飭各軍合力進勦將龍游湯溪等處踞匪次第掃蕩勿留餘孽

左宗棠又奏冒甯波一府遠在海澨中隔賊氛臣軍兵力苦單勢難分赴甯郡新任浙江提督鮑超現在皖南前經慶端奏委葉炳忠護理提篆但部曲無多恐難得力刻下溫處台三郡漸

就肅清邊界並非喫緊候補提督秦如虎本係宿將所部在閩粵各軍中尙稱能戰因攻處城受傷回溫調治而所部現赴台州由台赴甯甚近若蒙

恩旨令其署理浙江提督迅帶所部由奉化馳赴甯波較之葉炳忠更爲得力而甯波必可無虞矣
奏入

上從之

二十五日

甲戌

李鴻章奏言臣以嘉定縣城爲蘇

滬門戶必應力圖克復與英國水師提督何伯

商籌進剿閏八月二十八九等日何伯等帶領

英法國官兵又調派常勝軍分隊進攻臣復派

知縣李鶴章總兵沉文榜等各帶所部繼進沿

途踏毀賊卡二座九月初一日直搗嘉定縣城

初二日英法兵及常勝軍攻東南兩門李鶴章督令遊擊黃中元等攻西北兩門況文榜等分投扼要設伏何伯指揮西兵連夜築成礮臺開放炸礮該逆抵死抗拒我軍輪流環擊計歷三時之久轟倒南門城牆十餘處賊勢不支我軍分布雲梯一擁而上西兵同時登城大隊由東門入城賊由西門奪路狂奔三品頂戴吳建瀛

奮力撓截會合兩路伏兵追殺十餘里突有僞
天將黃逆等由太倉糾合大股悍賊來援馬隊
數百攔橋迎拒把總夏長勝白萬和躍馬衝入
賊陣中槍陣亡適洋槍小隊趕至縣丞余思樞
等督令連環施放賊始披靡僞徽天安田邦哲
率衆乞降當將嘉定縣城克復計先後生擒賊
匪六百餘名殺斃淹斃者約三千餘名解救難

民甚衆現飭況文榜等督率兵勇會同該縣張
縉入城分門駐守並令李鶴章將虹橋各營進
紮南翔總兵程學啟分統數營進紮黃渡署提
臣黃翼升派水師二營擇要扼紮以防蘇崑太
倉之賊合股回竄所有在事尤爲出力員弁兵
勇容俟查明分別奏獎陣亡把總夏長勝白萬
和應請

飭部從優議卹奏入

上命議政王軍機大臣傳諭李鴻章曰嘉定爲蘇滬門戶經李鴻章與何伯會商分路進兵剋期攻拔該署撫現飭況文榜等督率兵勇分門駐守並李鶴章黃翼升等酌派水陸兩軍扼要進紮布置尙屬妥協蘇常逆首回救金陵竄陷甯邑疊據曾國藩奏報賊匪屬集皖南蘇郡勢必空虛似有可乘

之隙著李鴻章酌度機宜督飭水陸各軍進紮崑山規復蘇郡如能襲取城池固屬盡善卽一時不能得手而官軍攻剿緊急該匪亦必分股回援自可稍紓皖南之急於大局甚有裨益該署撫務當悉心籌度見可而進毋誤事機

上諭內閣曰中外官軍克復嘉定縣城先後生擒賊匪六百餘名殺斃淹斃者約三千餘名解救難民

甚衆此次英國提督何伯與李鴻章謀定後動將
士輯睦崇朝而下堅城法國官兵亦奮勇爭先出
力勦賊均著李鴻章傳旨嘉獎在事尤爲出力員
弁兵勇並著擇尤保奏陣亡把總夏長勝白萬和
均著交部從優議卹

二十六日

乙亥

官文嚴樹森奏言總兵穆正春一

軍自閏八月二十三日攻克應城縣城後卽飭

馴鐵營騎兵會合營總花凌阿馬隊先向京山
一路進發親督步隊繼之二十六日馬隊偏紮
京山城外適署京山縣知縣張慶雲等率團分
路趕至該逆受創後聞風膽落連夜竄走我軍
乘勝尾追立將縣城攻復該逆又糾合大股直
撲安陸府城文武登陴守禦二十八日總兵彭
炳武督兵出城迎擊分路包抄鏖戰三時之久

賊勢不支紛紛潰退二十九日該逆悉力圍攻
穆正春帶隊馳擊擒斬無算彭炳武亦由城中
督軍出戰兩面夾擊賊衆棄械狂奔擠過浮橋
復經礮船轟擊落水死者不計其數我軍渡河
追殺賊大潰敗斃賊約二千餘名生擒二百餘
名餘賊遁竄郡北之翼家集等處將由襄棗一
路回竄現飭穆正春彭炳武跟蹤追剿以期一

鼓殲除至應山孝感之賊屬集小河司地方前
隊竄至黃陂縣境九月初一日護軍統領舒保
督率馬隊馳抵界河適與賊遇舒保躍馬陷陣
左右衝突手刃悍賊十數名賊衆逃竄黃陂北
鄉之木蘭山等處舒保以一百五十餘騎當四
五萬悍賊馳逐三百餘里乘勢追殺直抵黃陂
該逆旋於初四日竄入黃安縣境復經該縣團

練截擊頗有殲獲訊據賊供逆首馬融和意欲
取道羅麻竄回皖境以圖援救金陵等語臣等
現飭舒保督帶馬隊及飛虎三營繞出賊前迎
頭截剿並咨會兩江督臣曾國藩署安徽撫臣
唐訓方速派提督成大吉道員毛有銘統率所
部由商固一路徑赴麻城遏其下竄之路至黃
孝一帶已飭道員歐陽正墉等軍分紮雙廟楊

店地方以固武漢門戶查此股髮捻闖入楚疆
分竄東西兩路使我應接不遑鄂中兵力本單
籌勦籌防尤覺不敷分布惟有仰懇

天恩飭催多隆阿迅督所部星馳回援先將襄棗一
帶竄匪掃除淨盡再行扼紮要區以期兼顧下
游奏入

上命議政王軍機大臣傳諭官文嚴樹森曰官文等

奏克復京山安陸解圍情形穆正春等攻勦頗能
踴躍用命殊堪嘉尙現在該逆冀圖回竄著該鎮
將等跟蹤追勦以期一鼓殲除其馬融和股匪竄
至黃陂等處舒保能以少擊衆馳逐三百餘里不
愧驍勇善戰著傳旨嘉獎卽飭令實力追勦該逆
意欲取道羅麻竄回皖境以圖救援金陵並著官
文等檄調成大吉等迎頭截勦與舒保等兩面夾

擊毋令闌入皖境黃孝一帶防務卽飭歐陽正塘等分防以固武漢門戶多隆阿因陝事甚亟萬難南旋著官文等就現有兵力分投堵剿不可專恃援師李續宜回籍後已屢諭該署撫剋日起程回皖儘兵力不敷卽著官文等飛咨令其於楚南酌帶勇丁數千名順道攻剿入皖以靖鄰氛而固皖防